

Ustanovljen Koordinacioni odbor za visoko obrazovanje

Visi zamjenik Visokog predstavnika, Ambasador Dr. Matei Hoffmann, pozdravlja ustanovljavanje Koordinacionog odbora za visoko obrazovanje na drzavnom nivou, sto su jucer postigli entitetski ministri obrazovanja i clanovi akademske zajednice Bosne i Hercegovine.

Vec duze od dvije godine, Vijece Evrope i UNESCO, u suradnji sa OHR-om, rade na ustanovljenju tijela te vrste, koje ce funkcionirati kao stalna i profesionalna institucija sa savjetodavnom ulogom za sva pitanja koja se ticu politike visokog obrazovanja.

Na jucerasnjem sastanku sa OHR-om dogovoreno je da se Koordinacioni odbor za visoko obrazovanje u pocetku fokusira na to da se osigura uvođenje i primjena evropskih standarda kvaliteta na polju visokog obrazovanja, uzajamno priznavanje diploma u okviru Bosne i Hercegovine a kasnije i u okviru Evrope, sto ce dozvoliti mobilnost studenata i profesora, te razvoj sistema 'otvorenih' institucija i institucija 'ucenja na daljinu'.

Na radnoj sjednici pripremnog karaktera, pocetkom ove sedmice, ministri obrazovanja su imenovali devet akademika koji ce biti clanovi Odbora. To su Prof. Dr. Nedžad Mulabegović i Prof. Dr. Ejub Hot sa Univerziteta u Sarajevu, Prof. Dr. Sadik Latifagić, Univerzitet u Tuzli, Prof. Dr. Marko Tadić, Prof. Dr. Seljko Suman i Prof. Dr. Vojo Visekruna sa Sveucilista u Mostaru, Prof. Dr. Borisa Starović sa Univerziteta u Foca-Srbinije te Prof. Dr. Drago Branković i Prof. Dr. Zlatko Bundalo sa Univerziteta u Banja Luci. Ministri su se slozili da Odbor treba da radi sto je moguće samostalnije, te da ce njegovim radom na profesionalan način rukovoditi njegovi

clanovi.

Evropska komisija i Svjetska banka zajedno će raditi na paralelnim programima podrške ovim inicijativama za održivu reformu visokog obrazovanja. Njihove programe tehničke pomoći implementirao je Koordinacioni odbor za visoko obrazovanje te njegove podstrukture, koje će se oformiti u budućnosti. Financiranje će biti uvjetovano propisima čiji je cilj da osiguraju efikasnost trošenja te racionalan razvoj kvalitetnog visokog obrazovanja u cijeloj BiH. Za razvoj visokog obrazovanja već je obećana donacija od četiri miliona dolara, pod uvjetom da se uspješno provede neophodna koordinacija u prijelaznom periodu.

Osnivanje Koordinacionog odbora za visoko obrazovanje šalje jak i pozitivan signal da je suradnja među članovima akademske zajednice od sustinske važnosti za budućnost akademskog života u BiH. Ta suradnja će pomoći u postizanju primarnog cilja, a to je otklanjanje svih vidova segregacije u sistemu visokog obrazovanja u BiH – što je i uvjet za prijem u Vijeće Evrope i za punu integraciju BiH u evropsku akademsku zajednicu.